

Xujun xi majánni xi kitsikasen San Juan

3 JUAN

¹An, xi xuta chinga 'minā ngayá ningu, tetsikasen_rā xujunbi amiguna Gayo xi tsimején kjuakixia.

²Ji xi tsimejénrā, mi'a_rā Na'enchana nga jotsa'en nda tjimacha xi tse'e kui ngajin inimari, 'ba nde tsa'en nda ngatasaku ndiyari ngayéje xi si'en 'ba nga nda ngatja'ari nixtjin xi kueni ngayeje. ³Ñu tsja kuánna nga ja'ekunna yak'a nts'ia 'ba ye'enā nijmi nga ndaxu tech'atjai xi kjuakixi 'ba nga kixixu tesenjin xi kjuakixi ngayeje. ⁴Tsajain ngisa xi tsjana kjuatsja xi ngisa je nga ko mare kibi, nga nt'ia nga xi ki'ndina mani ngat'are kjuamakjainna nda inyajin xi kjuakixi.

⁵Ji xi tsimejénrā, teña'an = ni xi 'batjin nga misekue xi nts'ia mani ngat'are kjuamakjainna 'ba kio fa nga xin nangi ndibani. ⁶Kui nts'iabi tsuya kixi = ngixkun xuta xi mañajan ninguni ngat'are kjuanimejenri. Ne nda si'en tsa kuissekue xuta xi tsa'exat'are Na'enchana nga janda sa'en ndiyare, ngat'a 'ba = tsa'en tenikue jotsa'en matsjare Na'enchana. ⁷Ngat'a nts'iabiu tsimején = Jesucristo, kui = kjuá 'etjuni nangire, 'ba bi kuakjainre kiskjebe tsajmire xuta xi bi makjainre ngat'are Na'enna. ⁸Bamani, ña = tjinnere nga kua'era nga'nde ngayá ni'yana nts'ia joni kibi, tuxi ko kui ñatjen si'axaña nga sikja'axtiuya kjuakixire Na'enchana.

⁹Kitsi'indu_rā jngu xujun xi mañajan ningure Diótrefes. Tunga Diótrefes, matsja = re nga tu kui tajngu kuatexumare xuta xi mañajan kio 'ba bi kuakjainre ngat'are kjuá'ñunā. ¹⁰Kui kjuáñu, kionga an kjuechaā, sitsejen_rā ngat'are xi titsa'en ngat'a tikjenijinta'enni en ndesu nga ch'otsa'en tinchja ngat'a tsajain. 'Ba bi tu kibi xi titsa'en. 'Ba nde bi kjetbetjo nts'ia xi fechukun 'ba 'bechja'ndere xi mejénre skjetbetjo nts'ia 'ba mo'oxjejin ngajinre xi mañajan ningu.

¹¹Ji xi tsimejénrā, bi chjungi_ri kusunre xuta xi tsa'en xi ch'o, tusa xi tsa'en xi nda. Xi tsa'en xi nda, kui = xi tse'e Na'enchana. Tunga xi tsa'en xi ch'o, kui xi kje bejín Na'enchana.

3 JUAN

¹²Ngatsi'i xuta tsuyakixi nga Demetrio nda xuta. 'Ba ka'nda xi kjuakixi fa baku nga kjuakixi = xi inyatsu. 'Ba 'ba nde jin nda = nukjuai ngat'are kui, 'ba ji 'ya = ni nga kjuakixi = xi mixiin.

¹³Ne tse tjin ngisana xi xinra tsakaiñu, tunga bi mejenna xujun si'indut'a, ¹⁴ngat'a kuya = ña nga kjuikunxatira 'ba ji fa suba kjuakora.

¹⁵Ngatjas'eri kjuaxiu. Xuta xi nda kich'a xi tjin nga'e inyatsikasenri kjuate'nda. Ta'echi_ri kjuate'ndani nga jngu jngu xi nda kich'a xi tjin kio.